



09697

王奉常集卷之七

吳郡王世懋敬美撰

詩部

七言律

荅于鱗見寄

江上秋風至羽翰故人何處問加飡齊統急破吳門
色郢雪長飛海國寒句裡青山堪自遠篋中明月傍
誰看思君獨夜狂歌發轉向交遊把臂難

月夜有懷仲蔚

躡屐空庭夜色高懷人明月在蓬蒿中原容物千秋

王奉常集

卷之七

淚南國江湖萬里濤鸚鵡賦成還綵筆鸕鶿愁盡有
裊袍由來笑傲看人意寥落陽春莫漫操

秋懷二首

憶昔清時白佩刀于今歸卧有同袍江天地坼龍蛇
隱海國風生鸚鵡高欹枕白雲空世態開軒銀漢起
秋濤投沙憔悴當年事惆悵何人爲擬騷

其二

水國縱橫蜃氣驕江湖極目莽蕭蕭常平未下司農
策征權仍聞使者輶是處軍儲空戰伐轉令吾計
漁樵平生意興乘秋盡獨立蒼茫詠大招



王叅軍以秩滿失祿需選不調感而賦此

憶別經年思轉頻側聞需次尚風塵微官旅食成飄
梗盛世人才老積薪百石曼容堪自止一囊方朔未
言貧知君早倦衣冠會雞肋何心更向人

九月病起登小樓

百年多病起行遊華髮蕭蕭欲上頭未遣清樽供落
日從教伏枕向高秋千村橘柚新寒色幾處烟蘿入
暮愁楚客平生怨搖落淒其無那更登樓

懷子與

使君五馬去如流慷慨中原幾壯遊雨後青苔侵客

王奉常集

卷之七

二

夢風前玉樹動離愁行春雒雒花間出卧閣空山檻
外浮汝穎舊傳多秀士只今誰上李膺舟

懷明卿

詞客漂零自古今天涯薄宦且浮沉三川地敞中原
色二室秋高大陸陰束帶風塵摧傲骨褰帷落日想
雄心河陽幾度花開落約略潘郎鬢已侵

懷助甫

司封年少張公子裘馬翩翩氣色新豈謂文章偏逐
客更令湖海見孤臣停騶對飲南冠日擊筑酣歌燕
市春伏枕思君重揮淚于今國士有何人

讀李獻吉詩

矯矯誰稱大國風洛陽年少舊爭雄關河紫氣遙相
屬華嶽金天迥自崇瞻仰三朝文物在飛揚千載古
人空向來羣和巴歛唱今日誰論一變功

贈堪輿家郭生

有客能爲郭氏言南尋禹穴北崑崙懸河萬派銀潢
出抵掌千秋玉髓尊龍角何煩致天子鳳毛寧欲大
吾門知君濟勝偏多具爲訪名山倒綠樽

郭生旣爲先子營墓又時時遠相過也感而復

贈以詩

王奉常集

卷之七

三

麻衣草屨幾相從術解知君屬意濃已就衆田窺世
變敢憑淮水卜吾宗物情蘿薜能頻訪地肺兵戈可
再逢我自青山隨荷鍾不妨千里白雲封

春日同尤子求史叔載張幼于王君載家兄元

美過淳父酌分韻得人字

衡門五柳歲還新煑石相留未厭貧我自風波違傲
吏汝從天地問畸人銜杯忽至千秋色哢憤何來萬
里春便欲傾樽呼夜月喜無車馬破紅塵

送楊都督總戎浙直

捷書飛檄上長安推轂親登漢帝壇戲下旌旗春色

動行間刁斗夜聲寒
戈船百道橫天落銅柱
十年立馬看共說越公新
總帥怪來江海失狂瀾

奉酬史叔載見懷

東京詞賦孝山才
三徑長貧任草萊
載酒時經闔閭墓
高歌幾傍姑胥臺
漫勞雲樹尊前想
賸有詩篇海上來
綵筆知君多意氣
故教明月照寒灰

題公瑕小像

華門蓬逕五湖濱
芒屨蘿裳穩稱身
忽忽形骸元土木
英英眉宇未風塵
朱絃曲就傳聲遠
白練書成乞字頻
擲果何妨洛陽市
知君詞賦自安仁

公瑕才絕勝貌余故

王奉常集

卷之七

四

調

寄幼于廬墓次

萋萋碧草遍吳天
獨向寒廬擁膝眠
拂几白雲心共遠
懷人清夜地逾偏
山空麋鹿能相狎
春盡鶯花未解憐
爲爾一彈招隱操
好來湖上著新篇

幼于舊有湖上篇

飲葉伯寅

結轡誰過班
嗣門蕭然吾意在
琴樽持螯欲了生前事
揮塵能空醉後言
慢捲青山供几席
香銷明月上蘭蓀
從君信宿耽幽賞
塵境都忘車馬喧

奉酬家兄元日見示之作

廬卧經肯莫問春天涯風雪更愁人傷心碧草寒難
發入眼明椒歲自新總謂頃篋堪共語何當布帽轉
相親援琴欲奏陽春曲聽作清商淚滿巾

贈荅于鱗使君

使君歸卧歷山城白雪遙傳萬里聲折簡中原分氣
象揮毫天地失崢嶸人間未解鍾期聽海內新成元
歎名此日龍門無後進知君倒屣倦逢迎

于鱗重贈余兄弟賦此謝之

天涯尺素問吳鈞匣裏霜鋒黯自收氣盡頃篋難入
謁病來花萼易成愁風塵早謝容高卧湖海餘生付
王奉常集

卷之七

五

拍浮媿我齊名稱二僦憑君片語定千秋

寄題于鱗白雪樓二首

青山卜築傍松筠此日南樓屬興頻地敞風雲懸自
合天橫海嶽望常新樽前色借齊宮曉賦裏聲回梁
苑春莫怪鹿門長謝客未堪雙眼向巴人

其二

西北高樓天際看美人清夜自憑欄悲風忽送雙鴻
起飛靄遙從萬樹殘綵筆縱橫搖黛色綈袍蕭瑟上
春寒登高莫作江南望郢曲于今和正難

明卿自閩中移書促余出賦此答之

烽火闐天客未歸時危薄宦尚雄飛浮名轉向江湖
擲傲色寧從郡縣微萬里雙鴻知已在中原五馬故
人稀相聞欲悉行藏事落落乾坤一布衣

送楊司訓之大名別駕二首

并序

楊公由故吏部中法被播來茲土與余相得甚驩
也居久之擢大名別駕去大名故雄郡近京師知
君入承明不遠矣余詩送之爲志喜焉然念常奉
杯酒忽爾引別傷浮沉之異路懼後會之無時三
載千秋慨焉興歎故并敘其離憂之意云

吳門西望有仙槎把袂天涯惜鬢華遷客幾看江路
王奉常集

卷之七

六

草爲郎猶憶上林花風前擁傳漢三輔河外行春魏
萬家此去戛刀須好佩豈令才子滯長沙

其二

幾年湖海共銜杯此去漳河首重回手板狂堪知國
士腰章老復傍時才天迴沙鹿浮雲盡日落盧龍王
氣來聞道北征能作賦登高還上武陽臺

助甫爲廣平賦此却寄

偃蹇誰堪佐郡勞驅車落日太行高無竒張敞仍三

輔拙宦潘郎欲二毛

計助甫春秋三十有二矣

北地音容違尺素

中原秋色散綈袍知君自好邯鄲步肯爲風塵減興

豪

宇清張文挽歌二首

吳苑春花幾醉眠仍聞結社五湖邊
雲山已挂留徐劍雪夜猶疑訪戴船
身作長庚終厭世書藏大酉是
歸年閑心去住都無迹唯有風流事事傳

其二

得請江湖日月閒百年何事苦人間
素蚪雲外森相待玄鶴遼陽去未還
句裏千言餘紫氣生前雙屐罷
青山西州大有羊曇淚零落于今可再攀

春日集袁魯望齋中遇雪

得先字

王奉常集

卷之七

七

高齋寒色似春前坐裏梅花慰別筵
不盡黃雲迷海月長吟白雪醉吳天
梁園此夜傳觴促金谷何人得
句先爲報表安休獨卧浮沉我輩總堪憐

雪後一日集二張園亭

得梅字

杖策招攜勝地開醉扶臘屐破蒼苔
樽前色映千門雪遂裏寒催萬樹梅
此夜王猷還盡興當年張緒故多才
君看春草叢叢長句就池塘莫懶裁

要離墓

得城字

春風載酒吳王城要離墓傷春草生浮雲不盡四山
色落日長含萬古情
尺土何人死堪傷
片言知己身

相傾王生酌爾一杯酒笑爾沾沾世上名

銅坑看梅

得冰字

二月看梅大庾嶺還逢何遜此同登青天晝擁千村
雪玉樹春融萬壑冰花裏湖光迴晃漾樽前山色倚
峻嶒狂來更上幽竒處獨袖寒香思不勝

橫塘春汎

得江字

吳姬小館碧紗窓十里飛花點玉缸蠟屐去尋芳草
路青絲留醉木蘭雙山連暮靄迷前浦雲擁春流入
遠江棹裡橫塘聽一曲烟波起處白鷗雙

虎山橋

得東字

王奉常集

卷之七

八

吳地山河落鏡中樽前風色向誰雄浮空突兀千盤
轉隔崦蒼茫一線通日壓飛濤驚宿鷺天迴紫氣抱
長虹春來遊覽足勝事短棹輕舸西復東

靈巖晚眺

得林字

杖策逍遙度碧岑千崖欲盡俯祇林雲霾大澤浮天
地日落荒臺見古今池館故餘麋鹿恨洞門長護薜
蘿陰勝遊寂寞當年事徙倚如聞白苧吟

虎丘夜月

得寒字

佛日貪過興未闌蒼茫新月更林端搖空樓閣光偏
滿入夜松杉影自寒珠吐龍宮千峽靜鍾迴鷺嶺萬

家殘生公石在能相問寂寞中宵倚醉看

送明輔使君叅政關中

幾年開府控南溟分峽仍聞使者星已有漢兵威下
瀨可無秦策議犁庭檐帷落日函關紫立馬看雲大
華青悵望袞衣西去後誰從寂寞問玄經

子兄弟雅
厚公文字

之知
故云

送張仲子幼于試南都

江帆如練挂吳天秋色金陵望黯然世路豈長疑白
璧吾徒終自貴朱絃由來姓字中原識好去詩篇鄴
下傳到日未投京尹刺聞呼已覓孝廉船

王奉常集

卷之七

九

慰張幼于下第

其伯季俱得舉

翩翩詞賦滿西京歸臥蓬蒿意更平驃騎未勝何準
好公車先就魯丕名淒涼十載吹篴調偃蹇千秋挾
瑟情楚璧當年泣三上到今猶自說連城

張伯起昆季同計偕京師仲子幼于索余詩爲

贈賦得七言近體一首

裘馬翩翩入洛時北風鴻影度參差當年夢就池塘
草此日春連上苑枝並掛雲霄龍劔動雙飛月浦夜
珠垂遙知醉聽鈞天奏猶有傷心在仲篴

飲許給事伯雲宅

幽齋寒夕共銜杯錦障華鎗曙色回大有茂先龍鮓
在不妨叔夜酒鎗催拂衣天地容吾醉投轄襟期傍
爾開自是高陽多結客野夫芒屨數能來

虎丘重送袁張二君分韻得山字

遙堯鷲嶺共躋攀落日當樽壯別顏白雪吾堪安白
首青雲君莫戀青山卽看載筆雙題柱遙憶投繻並
入關別後相望雄劍氣夜深時挂斗牛間

答周象賢明府作

才名早著日南天爲向楊雄受太玄吏隱關門傳令
尹書成汝穎間先賢三河飛舄雲霄近萬里投珠海
王奉常集

卷之七

十

題周明府太霞洞天

洞府靈蹤未可攀遙聞南接點蒼山常浮紫氣瀾金
籙大有丹砂駐玉顏太一圖經天地外明霞樓閣有
無間朝來忽訝行雲墮知是雙鳧洛下還

包叅軍至自泰山都督楊公泊家兄各以詩送
之余復爲二律專紀其遊眺之勝云

羨爾東遊訪岱宗向余誇指大夫松天廻足練窮吳
觀地擁金泥識漢封檻外黃河通一線樽前白日墮
千峯生平禽向元同志草屨蘿裳許更從

其二

俯首中原萬象殊，興來詞客幾狂呼。
天門日觀還今古，漢篋秦碑定有無。
白破浮雲千嶂立，青迴大海一峯孤。
憑高忽憶驚人句，倚棹隨風夜入吳。

乙丑元日鄉居作兼呈諸兄

高卧滄江三十春，衡門衰柳又含新。
窮途日月催雙鬢，薄俗風塵傷此身。
歲久漸閑棗梓計，年來倍與薜蘿親。
笑看兄弟傳觴處，猶作屠蘇第一人。

送殷無美赴郭都督記室

從軍珍重帛書求，匣裏雙龍好自酬。
醉倚驕驍成露布，舞酣鵠鶴想風流。
行間揖客能傾士，幕下談兵有伐謀。
却憶淵源多暇日，月明時上庾公樓。

秋日病起有述

江城蕭瑟思堪哀，斜日高樓暝色催。
短髮經秋如落葉，壯心離夢似寒灰。
百年自傍愁邊枕，萬事從傾病後杯。
稍喜蓬蒿餘小逕，月明時喚酒人來。

送少司徒南岷公還朝

朝來啓事動明光，曳履聞公在廟廊。
軍事久留淮海節，主憂還寄度支章。
賜看文劍標名重，佩有度刀卜世長。
最是吳民頻繫望，白頭猶說舊循良。

子與左遷得長蘆運判却贈

尺素天涯問謫居一官橫海意何如羊腸稍藉功名
薄雞肋終令姓字踈似是馬曹聊玩世可因葢鐵好
成書空庭雀下應高卧肯憶吳門兩鹿車

奉送肖甫使君自穎陽開府轉督學滇南

十載功名薄左遷逢人猶說鄴中篇誰憐雪色朱絃
後也自春風絳帳前起草舊傳三禮學談經初盡百
蠻天穎川何必多名士滇海于今異昔年

贈鴻臚劉子

翩翩吳下佳公子老去辭榮學隱淪劍佩不傳天上

三春常集

卷之七

十一

語琴書自愛靜中身長鏡犯雪松苓長短服經春薛
荔新倘亦念予能避俗好容蓮社伴遺民

送史文由鴻臚遷蘭谿丞

公朝典客舊名家得調還乘僊尉槎鳴玉故餘天上
色握蘭今是縣中花不辭趨府堪腰折莫爲催科益
髻華到日越人傳玉潤風流樂令此重誇

其濬也故云

先大父曾尹茲邑公

送歸熙甫尹長興

才名久自鄴中聞此日專城作使君海岱徐寧真得
士河陽潘令雅能文彈琴夜照茗溪月飛舄春生天

目雲兩地相望殊咫尺政成應莫惜餘芬

上大司寇鄭公

憂時涕淚未堪殘直道由來行路難力盡乾坤扶氣
象心違江海障波瀾朝天共識尚書履去國猶傳司
寇冠千載龍門公自愛浮雲今已見長安

贈邵子惠潮叅戎

嶺外妖氛鬱未平一時推轂在干城潮聲夜發樓船
節海色朝分下瀨營自是漢兵天上出豈容越甲坐
間鳴相逢倘示征南檄爲續鐃歌鼓吹行

贈公瑕赴朱尚書召修河功志

王奉常集

卷之七

十三

柴門寂寂子雲居忽爾中原至辟書自爲府公虛記
室重煩太史著河渠秋風瓠子悲歌裡明月南樓矚
眺初見說禹功千載事知君裁攬未應踈

過華大留觀右蹟

春風是處可籃輿寂寂還過揚子廬壁裏半銜飛白
字枕中長寶硬黃書琴樽自愛千秋在圖史真令萬
事踈揔會知音貪勝賞不妨揮麈更躊躇

送周允文中丞巡撫江右

捷書初報海波平持節還聞楚地行竹馬逢迎能後
會衮衣瞻望有東征憂時十載吳民淚報主千秋國

士情文劍久應虛內召暫令雄氣動豐城

舅氏縣簿劉君爲余言其友林博士有古義士

風緩急被恩良厚丐余詩以志感因爲賦此
屈指劉家月旦評誰如藉甚廣文聲明經已入儒林
傳結客猶餘國士名老去朱生堪把臂窮來范叔更
含情報恩知有吳鉤在霜捲芙蓉片片明

夜坐偶成

明月漸沒青燈殘欲眠不眠及夜闌侵衣何物薜蘿
色擁衾誰家砧杵寒三秋兀兀祇肺病萬事擾擾空
眉端男兒七尺還自有白首那復思長安

王奉常集

卷之七

十四

中丞伯玉汪公文苑般倅也顧折節愚兄弟屢

書獎借敬賦七言志感命曰酌德之篇

書來開府慰途窮爲問新詩病可工一字風霜回氣
色雙槭春雪破鴻濛乾坤知己形骸外湖海餘生涕
淚中心折報恩無徑寸敢因結襪重張公

王仲房山人見訪

冥鴻天外正相思忽爾翩翩至羽儀薜荔侵裳餘傲
色芙蓉拂袖有新詩往來五嶽難容汝老去千秋欲
傍誰敢謂塌簷能並奏知君心賞寄鍾期

送周使君入京謁補

道傍五馬自紛紛，樽酒踟躕手重分。
八月潮聲廣陵驛，雙幡秋色薊門雲。
萋菲罷郡名仍在，蕙苒還裝久漸聞。
見說股肱須寄守，閩人無計借留君。

子與別後久不相聞漫賦爲寄

憶從執手雪中行，爾卧寒廬春草平。
難後故人堪破涕，窮來衰鬢倍關情。
潛夫莫老它年計，中聖猶傳去日名。
無奈居貧愁客秫，田餘幾若爲耕。

九日登靈巖時家兄不至

九日靈巖秋自悲，風前搔首帽頻欹。
望來香徑傳遺勝，事去琴臺入舊思。
欲雨青山愁拒酒，未霜黃菊傲

三奉常集

卷之七

十五

須時相看恨少，臨川屐折得茱萸懶獨持。

嘉定訪徐荊州

野夫清景自啓扉，顛倒欲着蘿裳衣。
稚子牽裾問何適，故人解郡今來歸。
白眼青天意俱逞，吳歌郢曲春相暉。
期君一下梁間榻，十日平原未可違。

題樂玄子清懶窩

誅茅頗愛澄江濱，四壁欲立聞無鄰。
白眼那堪禮法士，玄心自謂羲皇人。
牀頭時復汝南易，甌中耐可萊蕪塵。
蕭然一室何所有，閑坐維摩老病身。

爲薛子熙題瑞室一律

再聞飛焰甬江東一室巋然燒劫中玄圃石焚能辨
玉比鄰燕去有來鴻非無通德標新里爲愛靈光賦
舊宮太守賜書仍好在可知三鳳自門風

天池夜月

得青字

華池秋斂玉波停絕壑松濤壯地靈萬頃晴雲湖上
白千峯落日醉中青支願坐印蓮花石欹枕還聽貝
葉經酒罷不須愁欲暮自留山月照人醒

一雲徐庄

得元字

載酒幽尋薜荔園平蕪秋色散郊原春山盡日能供
客落葉迴風自掃門結轡吾曹無下駟銜杯佳節有
王奉常集

卷之七

十六

中元酣來信意扶筇杖小逕蒼苔點屐痕

石湖煙雨

得蒸字

長嘯秋空一拊膺荒煙大澤莽憑陵越來溪外波相
撼茶磨峯頭氣欲蒸破浪孤帆歸估客閉門修竹卧
山僧招携未盡楞伽興躡屐衝泥許更登

木樨嶺

得歌字

老桂連卷臥澗阿筇輿輕楫乍來過香舍翠岫兼風
遠影落丹巖傍月多十樹秋生南海瘴一樽人醉小
山歌相看莫怪淹留久已乞閒身付薜蘿

丙寅除夕鄉居獨宿時家兄病不能俱

歲暮寒廬有獨眠那堪風雨復吳天風前襍被家成
客雨後殘燈夜入年自廢蓼莪它意盡乍分花萼舊
愁偏朝來試攬潘郎髻擬向悲秋賦裏傳

丁卯余爲
三十有二

春日渡江登金山二首

極日飛濤湧碧岑龍宮千尺倒松陰九江東下浮天
地一柱中流障古今檻外晴雲瓜步出樽前春色甕
城深長廊飢罷僧寮午坐聽潮生入梵音

其二

春風載酒榜人歌春色浮空片玉多蜃結琳宮看不
散龍依講座狎無波鍾聲半挾江聲轉帆影遙兼樹

王奉常集

卷之七

十七

影過此地由來重登覽碧天無際奈愁何

焦山

春風鼓柁大江行煙樹中開鶯嶺明西望山川雄割
據東來天地定縱橫鶴巢應識華陽蹟龍卧殊深處
士情我欲醉眠江畔石好令雙耳枕濤聲

余兄弟以陳情北上躑躅都門之外五嶽山人

老矣聞余至策蹇出過慰以新詩篇末復以

三槐相勗違其志矣是用酬以短章并伸匹

夫之守云

百年含涕向長安五嶽逢君強自寬曰首憐才交意

盡黃金結客畏途難亦知日月新龍袞無奈江湖舊
鷗冠松逕林田生計在莫教槐棘誤相干

陸君由楚藩幕當得王官不願仕余嘉其高尚
詩送之歸

爾從供奉客平津老向湖湘復幕賓蠻府叅軍聊翫
世青州從事好藏身歸來茅屋風前柳採得春江雨
後尊莫怪梁園輕自免長卿元是倦遊人

莫公子良起叅梁藩入賀登極猥賜新詩率爾
酬贈

翩翩飛蓋渡漳河紫極新朝散玉珂江左風流名士
王奉常集

卷之七

七

在中原岳牧舊才多蒼生自起東山卧白雪仍先下
里歌君去雲霄雙鳥近莫將春色傍烟蘿

同子良大叅道微思乎二年兄張山人洎家兄
飲城南疊前韻作諸公皆南士也

家難漂零客未安酒腸愁窄若爲寬酣來寂寞千秋
在醒後支離萬事難南國人才空把袂北山吾計罷
彈冠誰憐去住俱萍跡濁水清塵莫浪干

寄耿子衡中丞

牙旗坐擁古幽州斗印初封耿俠游南北頻傾兩朝
淚行藏未擬一身謀薊門烟斷單于色突騎風驅瀚

海秋獨有感恩遊子意蕭條中夜抱吳鉤

丁卯春余兄弟陳情北上會道徵年兄以河南
觀察來賀登極坐中率爾爲贈

聖主初開闡闔門朝宗赤烏自中原俱言百道來方
岳獨有三花奉 至尊絲筆已干天上色綈袍猶結
故人恩十年回首升沉迹忍向風塵醉裡論

王奉常集

卷之七

十九

劫公恩十年回首升沉迹忍向風塵醉裡論
岳獨有三花奉 至尊絲筆已干天上色綈袍猶結
聖主初開闡闔門朝宗赤烏自中原俱言百道來方
觀察來賀登極坐中率爾爲贈

劫公恩十年回首升沉迹忍向風塵醉裡論
岳獨有三花奉 至尊絲筆已干天上色綈袍猶結
聖主初開闡闔門朝宗赤烏自中原俱言百道來方
觀察來賀登極坐中率爾爲贈

王奉常集卷之八

吳郡王世懋敬美撰

詩部

七言律

贈蘇鴻臚濂司馬公子也

許公當代振詞華，玉樹翩翩美並誇。
禮樂百年新典，客文章兩世舊名家。
西山色滿樽前雪，上苑春迴賦裏花。
傾蓋不妨揮麈意，已知吾癖在煙霞。

戴錦承伯韋兩訪余，兄弟都門之外示以詩評。

擬古諸作漫賦一律爲贈

王奉常集

卷之八

翩翩緹騎自如雲，無奈金吾只好文。
詩品百家鍾記室，詞源五字李將軍。
飛鴻忽墮江南色，老驥還空冀北群。
緩帶相過殊有意，悲歌欲任野夫聞。

隆慶改元丁卯，余兄弟以陳情北上，時仲子免

鴻臚未歸，也會余偶過善果寺，花下飲而仲

子適携榼至，見輒飲，飲輒醉，醉歸而仲子墜

馬，翌日以詩來，次第酬答，遂得近體三章中

多招隱之言，知仲子已厭心世路矣。

行歌曳杖信途窮，乞食盂蘭侍遠公。
忽值倦遊金馬客，便邀同醉梵王宮。
看來仕路真成幻，請得恩波已

屬空莫倚仲生須樂志野夫蹤跡自墻東

其二

十年萍跡聚天涯輕棹相過到日斜垂老少陵還墮
馬得歸博望未乘槎浮樽綠蟻偏詞客掛杖青蚨半
酒家若下尋盟期不遠可能先醉寺中花

其三

一疏艱難罷掩關逢君郎舍正投閒千秋易水歌仍
壯萬里秦庭哭未還供奉故人多白髮歸來吾黨自
青山高秋大有蓴鱸在遲爾烟波釣艇閒

永嘉項思湯築室華山之半命曰半華精舍訪

王奉常集

卷之八

予都門外索賦詩却贈

聞道巖居事事幽翠微蒼靄入門流輞川別業多新
景康樂平生半舊遊一壑由來堪自屬群峯應恨未
全收憑君莫戀還山屐爲遣行雲護上頭

奉謝御史大夫南岷公

知已千秋莫易論憐才四海定誰真投珠擬盡鮫人
淚吹律驚回黍谷春葑菲只今無下體斗山何意有
輕身自緣公府心如水分得餘波起涸鱗

醉中贈真人

似向三生結靜緣比丘相對輒陶然誰將米汁同吾

好自飯齋中得爾憐身共散僧疑入聖醉稱居士欲
逃禪看來頃有清涼境何事攢眉訪白蓮

贈李惟寅環衛

才子清時好佩刀小侯朝罷擁霜毫當年隴右多狼
臂此日岐陽有鳳毛汗血總誇千里駿銳頭羞作五
陵豪驚傳扈蹕鏡歌奏一夜甘泉雪色高

奉贈雷年伯

不向羸金問拮据自耽觴詠混樵漁江湖坐傲千頭
橘日月長私萬卷書太守過題通德里故人曾勸孝
廉車只今華髮逢殊典靈壽扶携恣所如

王奉常集

卷之八

三

倪舍人年八十有三跨馬見訪贈以新詩時余
兄弟偶廁名起廢翁詩非其志矣

握手論交燕市邊百年愁病起新篇樽前老驥心仍
壯天外驚鴻影自憐乍有姓名疑仕籍漫餘蹤跡愧
時賢君看處士江南色依舊雙星夜夜懸

德新侍御携榼見訪分韻得來字

拄笏西山爽氣開論心白日自燕臺芙蓉忽冒清秋
出鷓鴣初盤大隴來傾蓋吾堪身後語斲輪人是眼
中才相逢莫作行藏問詞客于今半草萊

秋日朱在明諸君見過分韻得君字

天涯旅食倦離群，客有過從雅好文。
星散鄴中思七子，風流江左見諸君。
青蘿傲色迎秋入，白苧商聲倚醉聞。
向夕不堪魚鑰動，蕭條南北坐間分。

贈范于公祠部年丈

十年詞賦擅長楊，秋色翩翩度雁行。
吳下二難愁法護，漢京三禮屬田郎。
祠官獨草明堂議，侍從仍含大國香。
同學故人憔悴久，陽春肯爲借餘光。

贈朱在明鴻臚

意氣誰堪國士論，一時風雅在金門。
當歌解作周郎顧，結客愁空北海樽。
操筆忽驚鸚鵡就，解裘寧問鸕鷀。

王奉常集

卷之八

四

鷓存侍臣莫緩趨，朝步仙掌秋來露正繁。

聞王伯穀至却贈百穀受故相袁公知，每有羊

曇之慟重來京師意多感慨

燕臺蕭颯下冥鴻，客散平津夜月空。
匣得隋珠還作淚，掛來徐劔已成虹。
風塵暗失西州路，氣色重開碣石宮。
寶瑟自珍矜不奏，問君等調可兼工。

送王和仲還吳

天涯倦客夢驚飛，八月扁舟返釣磯。
囊底琴書知已在，眼中湖海故人稀。
燕臺興逐黃金盡，茂苑秋將白髮歸。
我亦蓴鱸能發思，爲君重拂舊緇衣。

安德道中欲進訪于鱗不果却寄

擊筑重過燕市傷百年心迹此行藏中原海色猶龍
卧南國秋風自雁行共濟總堪知郭泰相思無那媿
嵇康空憐足練還吳騎矯首天門未可忘

于鱗以薦起觀察浙中賦一律爲贈

十年堅卧薦書頻病後江湖起色新總謂蛾眉重見
幸豈令龍性便堪馴蒼茫未識彈冠意突兀何來叱
馭身我自壺漿迎候汝不煩太史奏真人

與于鱗遇吳門夜飲舟中作

子與時
卧長興

吳門殘月漾江流把袂疑從歷下遊十載風塵難命
王奉常集

卷之八

五

駕百年天地此同舟飛揚白雪寒相問去住青山老
自由好憶鄴中朋舊在檄書一夜到湖州

陪吳使君賞沙頭老梅得春字

江城二月梅花新老樹獨占河陽春豈是秦川無驛
使還如姑射有神人枝盤萬玉停飛蓋瓣落千妝藉
舞茵地主正逢何水部新詩應共酒中論

過阜城訪伊丈伊故與先君共事疆場者也

握手天涯思不禁忍將踈迹問升沉相逢對隕孤臣
涕未老仍餘國士心三徑蓬蒿休臥穩五原烽火正
愁深艱難莫話犁庭事遺恨藏弓自古今

暮春待 命停阜城簡王令王故人也

萬里風塵此薄遊
客心何事轉夷猶
雙鳧不借青霄去
駟馬應從赤縣留
單父琴清時入坐
河陽花盡欲關愁
故人口腹多相累
車轄於今莫更投

過揚州訪歐楨伯博士

聞道談經盛有聲
青氈猶臥廣陵城
黃金不近儒林事
白髮偏關國士情
好把江濤扶病色
休將郢雪傷時名
故人問字能相訪
還飽君家首宿羹

與部中諸君送陳揚州薄暮還登清涼寺山頂

石頭城外醉離觴
把袂登臨興未央
秋爲帝京辭

王奉常集

卷之八

六

慘淡地緣天界倍
清涼江吞疊嶂連
雲白烟鎖千家帶
日黃久坐不愁歸
路畚尼珠猶可照
迷方

寄內

歸期容易指刀頭
何事文園未倦遊
驅馬日看鳩鵲觀
入門時擁鷓鴣裘
木蘭舟在難成渡
沉香消獨上樓
白下金閨相去幾
也教楊柳繫離愁

歲暮雪後友人王百穀至自吳中訪予吏隱齋

告以平康之遊別去

薄祿浮沉老曼容
誰將湖海問元龍
城邊桃葉春前渡
馬首梅花雪後逢
意氣何曾關吏道
風流元自出

吾宗停杯忽憶長干去紫騎青絲未許從

巳巳元日

十載衡門斷紫宸王正重見漢儀新椒花自媚天南
日棣萼初分冀北春金馬縱能容傲叟版輿終爲乞
閒身江山處處虛佳麗薄祿年年解誤人

寄題歐楨伯崙山精舍

五嶺嶽峯秀五羊翠微何處是茆堂誰將片玉分玄
圃遂有南金貢尚方賦就獨呼明月醉書成長付白
雲藏似聞歐冶埋劍龍去山空夜吐光

初春雨中集俞元海飲同表魯望余伯祥分韻

王奉常集

卷之八

七

得田字先是過俞園亦遇雨二首

衝泥濕盡鐵連錢幾醉醉卿家玳瑁筵但使步兵頻得
酒不須平子便歸田鍾迴北里殘春夜門掩南山隔
暮烟坐客祇應歌白雪好教吹度隴梅前

其二

清樽落日 帝城邊一曲長干醉裏傳柳色暗歸春
酒綠雨聲寒並夜燈懸爲郎也自稱蘭省有婦從他
笑秋田莫怪入門須盡興相逢何處不堪憐

春三月送吳進士伯恒奉使還朝

石城雲拂使車馳萬里燕臺御氣通春色舊京休沐

後雨聲寒食戒行中山花擁蓋迷重巘江樹將帆入
半空此去兩都應賦就看君歸奏建章宮

春日家兄至自大名宿天界寺中作

雲路分飛各渺茫人天此會意差強百年星聚南朝
寺萬里鴻歸北地霜倚玉自憐雙樹色連牀猶借一
燈光不知忍草經春發看作池塘夢後長

贈沈翁宜謙

曳裾爲客幾經年老愛丹青晚更傳六代江山盤礴
裏五湖風月卧遊邊吹來北郭無卑調悟得南華有
內篇春色到門都不覺但驚蘭玉長堦前

王奉常集

卷之八

八

上巳日集靈谷寺

寶公塔掛白雲隈西接鍾陵王氣迴錫住靈峯驚鶴
去鉢分慈水喫龍來松風落子春陰寂山鳥啼花暝
色催今日便成千載勝不須重憶永和才

鍾使君爲二郡追念二親繪圖爲白雲遐思屬

余歌之

憶昔褰帷極目時白雲西向太行垂只今落日孤雲
去唯有天風萬木吹捧檄已違毛義色累綱猶結仲
由悲何人不道終身慕自是鍾君德可師

奉壽司寇錢景翁七袞詩二首

千秋嶽降爵嗟我八座歸來鶴髮皤 聖主舊題文
劍在故人留醉賜金多非無優詔思嘆舌已有初衣
狎芰荷洛下耆英今日會瑤池何限白雲歌

其二

畫堂人醉錦氍毹玉映貂明迥自殊天府舊曾瞻北
斗歲星今爲見中吳安車寵後仍三錫袞服輕來漸
五銖聞說大丹能却老賜將靈壽不教扶

張二仲立至自吳中時尚居憂余數過從飲酒

賦詩甚樂因却贈一律

清標弱冠冠時才布帽雖窮氣未摧不減襦衡鸚鵡

三奉常集

卷之八

九

賦還登李白鳳凰臺江風萬里供長嘯郢雪千秋付
舉杯莫訝王郎人似進新從謝孝劇談來

奉送以漸年文擢守鄖陽

暗柳啼鶯帶別裾送君朝發畫熊車人生得意二千

石君更專城三十餘地接秦川風土厚窓懸楚岫郡

齋虛久知經術能緣飾今日須才豈簿書

與君領鄉薦時同執

經師門故知君最先最深

大司馬安翁老先生七袞敬上鄙言二律爲頌

鎖鑰長遺 聖主安復聞優詔下雲端星纏紫氣來
天府景接朱明屬夏官掌武六曹后備賜劍進賢八座

近彈冠劉寬自是心如醉不爲稱觴卜夜闌

其二

長日薰風畫戟門錦袍蒼玉佩來溫非無黃石傳兵
略獨有水壺答 聖恩身健不煩靈壽杖令嚴時舉
拆衝樽它年會見明堂禮養老還須借乞言

送張比部守思恩

西曹執法張廷尉五馬翩翩出舊都青草瘴消過八
桂碧雲看盡隔蒼梧負蓋徭女驚持節椎髻蠻官屬
剖符 聖代只今多慮遠白狼歌舞莫教無

秋遊牛首山宿團瓢菴菴在山巔勝絕晨起眺

王奉常集

卷之八

十一

望還下山再飲僧舍

紫閣平臨百尺臺清秋人臥碧崔嵬千峯忽避江流
出雙闕遙分曙色開捲幔雲來窺伏枕隔山鐘動喚
銜杯扶筇亂拂蒼烟下縹緲諸天首重回

江漱垂綸爲陳橫野明府賦

白版橋邊蘆荻洲何人卜築釣磯頭玄暉不作新林
詠太白空關異代愁葉縣歸來兩鳧舄桐江高臥一
羊裘投竿豈爲臨淵羨濯足應須萬里流

爲陳明府賦得邀笛閣

胡床一曲想桓伊無奈王郎雅好奇流水自將高韻

去青山偏與舊名垂春風楊柳人歸後夜月梅花夢
斷時猶似慙慙數聲在小窓凭遍坐題詩

爲張大理賦青雲萬里

何人盤礴事能工寫作雲山萬里同鴻寶傳來爲國
器鵬程將去是家風高門自昔知廷尉有子毋教學
長公好把青箱比畫圖雲仍早建濟時功

夏日同表考功王祠部飲吳幼元水亭上

聯鑣南去是新豐河朔情深市隱中公子壺觴能卜
夜大夫詞賦有雄風城陰晚傍踈窓落潭影清涵小
閣空此際接籬應懶着怕教歸路笑山翁

王奉常集

卷之八

十一

送安司訓之撫州

知君自愛廣文閒況是臨川勝可攀董相帷開仍絳
帳謝公屐在有青山春風得士絃歌裡明月懷人翰
墨間幸不折腰關小吏故園松菊莫催還

金焦送戚大將軍

犁庭欲拜冠軍侯飛渡長江不可留千騎風驅楊子
色雙龍春壓甕城流登臺天地縱橫盡擊楫中原意
氣酬莫笑書生容易別濁醪猶足爲君投

月溪詩

君家一壑萬峯攢溪水泠泠瀉月寒素魄完時春漲

起玉鱗生處夜光殘濁醪醉醒聞長笛小艇歸來滿
釣竿縱道清暉千里共幾人能得故山看

賦得蓉湖秋色送王吏部

惠山西浸芙蓉湖蘭橈出租王大夫日落蒹葭望不
極天寒鴈鷺行相呼啓事由來歸水鏡清心自昔
冰壺追隨亦有含香侶得作王家第二無

贈吳虎臣遠遊

落魄吳郎自豁如相逢意氣有長裾千金態盡時揮
酒五嶽遊成早著書海內幾人容汝屐天涯何地不
吾廬中丞待結蓮池社藍輦歸來莫久虛

王奉常集

卷之八

十三

寄答子與

夢後春風別路長美人何在隔瀟湘十年自散應劉
席千載還逢屈宋鄉縱爲積薪甘寂寞休緣起草羨
明光邠生百石行將止期爾同飛若下觴

寄贈許仲貽奉常

茆堂卜築抱清溪雅勝偏宜玄度栖臺接長江憐鳳
去門栽碧柳愛烏啼風流六代人中識秀色三山酒
外迷一自太常齋罷後那能不遣醉如泥

寄答余德甫

秋風無恙豫章書七子中原問索居洛下人非吳二

陸江潭君是楚三閩七年自信行藏外再命猶沾涕
淚餘總道阿奴終碌碌恐應無計老樵漁

寄贈用晦王孫

王孫折簡豫章來句裏翩翩秀色開愁絕鴈行猶世
網生憎龍種是天才梁園修竹身先賦秋水芙蓉手
自栽知爾獨深宗國春青藜何夜照燕臺

登北固山對金焦二山作

一上春山眼自醒海門東望去冥冥斷鰲誰爲分三
足驅石猶疑到五丁隔塢花深侵夜白高城柳暗帶
江青相看尚有風波色何日滄洲是客星

王奉常集

卷之八

十三

春夜同諸君集思伯舍人得林字

十載鶯花隔上林重逢燕市酒人尋王春碧草驕相
待子夜清尊黯自深匣裏風霜餘短劍眼中湖海盡
南金憑君醉立千門月只恐羅浮此際陰

送徐克賢儀部觀察廣東

襆被爲郎喜乍逢忍將分手向踈蹤春明驟擁風前
傳長樂猶懸夢後鐘南粵山川收戰色東曹禮樂想
儒宗亦知臺省還虛席樽酒論文儻更從

送姚侍御

侍御從留臺入對其僚余君爲索詩送行

阜囊歸奏未央宮祖帳踟躕使者驄召對稱來明主

意陳詩觀自舊京風旌含霜氣先秋壯棹挾江濤借
色雄鳴鳳祇今雙闕近莫教回首望臺空

張年伯追封

通德門高衆所宗百年真隱寄明農身將獨行留青
史家有遺經比素封老去鳳毛天意在褒來馬鬣
主恩重毋論鼎食猶餘恨五福人間未易逢

送陳仁甫太史奉使

冊封岷榮二府

二首

金泥玉冊麗江臯封拜親承主意勞使者千秋申
帶礪詞臣三殿下旌旄陽臺色借青雲秀故郢聲迴
白雪高聞道連天洞庭闊知君何處醉霜毫

王奉常集

卷之八

七

其二

青門祖帳遲明開奉使翩翩意氣哉易水不堪同調
別湘江空憶異時才閣中藜火分輶去橋上風流負
弩回楚客莫誇雲夢獵漢庭新賦上林來

集馴象公署喜黎惟敬中祕周公瑕徵君初至
并送陳仁甫太史奉使楚藩卽席分韻得行

字

入洛翩翩自盛名况逢詞客送將行雙龍夜識雲間
氣一曲朝分郢上聲舊雨忽成今雨別客星應並使
星明當樽慷慨休辭盡容易天涯是鳳城

初夏同周公瑕訪韓太史於翰林院留酌瀛洲
亭分韻作

仙郎閣下校書時有客聯鑣到問奇樹接長楊文是
苑波連太液鳳名池樽前蓬島天疑近檻外花磚日
去遲更欲殷勤延暮色流鶯已坐早栖枝

楊祠部懋功席間再贈玉叔分韻得春字

清歌濁酒結交新無奈離聲重恰神千里去懸燕市
月一樽愁散薊門塵元龍湖海豪仍在長孺淮陽臥
莫頻詞客浮沉君自見幾人五馬是青春

送梁僉憲之閩中

王奉常集

卷之八

五

曾提千騎淨狼烟功比將梁獨陷堅 聖主臨軒思
保障璽書開府護樓船七閩風動軍聲外六月霜飛
使節前執戟故堪疲國士羨君先着祖生鞭

即事戲呈懋功

苑樹宮槐連大堤誰家紫駟燕市西道旁荆卿嘿逃
去狗屠擊筑還相攜眼光自可付牛背身計應難學
馬蹄共道拂衣明日事那能今夜不如泥

送范于公光祿南還

聞道冥鴻意不留芙蓉雙向匣中收非無孟博澄清
轡自是王猷興盡舟陵谷豈關千載色尊鱸應五占

湖秋都門一寄臨岐淚孤客于今亦倦遊

夏日同黎惟敬梁思伯李惟寅楊懋功丘汝謙

康裕卿曹子念集鄧園二首得山字

武陵溪水市朝間河朔深杯勝可攀檻外生烟浮綠
樹城頭過雨出青山荷香細納涼風入潭影徐收落
照閒今夜鄉關清夢裡吳姬江上採蓮還

其二

用子念樓字韻

苑邊新築傍宮樓郭外飛泉接御溝
峴嶂何來俱傲吏街杯自信有滄洲
四時白紵歌偏夏一水青蘋坐欲秋
寂寞風流建安事芙蓉池上更成遊

王奉常集

卷之八

十六

新秋十一日同黎梁二中祕丘民部黎文學康

曹管張四山人集楊祠部宅分韻得河字

仙郎直散罷鳴珂留客清樽白苧歌
月滿漢宮秋扇冷風迴燕市暮砧多
狂來吾道尊湖海醉裏鄉心傷薜蘿
愁見雙星又成別詞人無意賦明河

奉寄楊虞翁少傳

二首

兩朝勲業在旂常曳履歸來白髮長
寤寐未聞還大老姓名猶籍怖降王
裴公綠野家仍晉漢世黃扉代是楊
寄語衮衣須強飯蒼生四海正相望

其二

十年埋劒動星文無奈延津色驟分上宰未忘嵇叔
夜故人能負衛將軍鮫宮涕淚憑誰寄燕市悲歌只
自聞馬首西瞻太行路幾迴極目是浮雲

送李內史奉使江右便道省祖

帝遣詞臣卹舊勲一時風雅悵離羣單車不識三公
子過里還趨萬石君潮滿廣陵鐘後月江連彭蠡鴈
邊雲磨崖處處能乘興賦草先應鄴下聞

丘水部攜樽同黎惟敬周公瑕諸公登觀象臺
分韻得尊字

百尺星臺抱水村振衣殘日眺千門青山秀擁神州
王奉常集

卷之八

十七

出紫氣高臨帝座尊片語人間干象緯一樽身外
付乾坤秋風莫有文園渴玉屑金盤露正繁

爲朱中丞題喬木甘棠

分陝千秋二伯名只今重繼保釐聲驅馳社稷無南
北去住河山有重輕涕淚未應殘卧轍雲霓早已屬
前旌預愁公袞長虛席好慰吳民信宿情

題兩朝異數爲顧京兆作

兩朝蹤跡間升沉錫類偏承帝寵臨隱德再憑天
語重孤忠萬死國恩深于公門大終容駟京兆阡開
別賜金莫道危親諫臣事請看丹詔並丹心

京邸懷歸忽管生建初告我將偕百穀南還感
而贈行

憐君未得薦甘泉駿骨千金對黯然負笈忽隨中散
去解裘誰共步兵眠爲郎卧病邊聲裏送客歸心木
葉前輸殺布衣遊自薄倦來身似剡溪船

九日同諸君登毗盧閣分韻得村字

初地樓臺聳薊門望來塵界易銷魂人烟萬井催殘
照秋色千林澹遠村坐息雄心歸梵宇醉餘狂態呼
天闍紫萸黃菊年年在自惜風流減故園

秋日山陵

王奉常集

卷之八

十八

大谷蒼蒼輦道開隴雲阡樹鬱徘徊清秋龍抱幽宮
躍紫塞天驅急峽迴風雨百靈朝謁罷月明群帝夜
遊來祠宮不少甘泉侶藻賦誰攄頌聖才

慎侍御枉弔賦此寄謝

十年霜色匣芙蓉風采猶傳柱後蹤閉戶久知成慎
子生芻何意到林宗嶽崎不受時人好莽蒼還應我
輩逢擬向君家問竒字扁舟茗雪許相從

贈梁彥國廷尉時讞獄三吳

故人丹筆意如何奉 詔平反泣罪過雷雨 聖朝
時作解陽春使者舊能歌寒灰合浦光迴照病樹江

公事也余請先畫之以爲公左券自墻東

其二

十年萍跡聚天涯輕楫相過到日斜垂老少陵遠隨
柳絮未乘槎浮樽綠蟻偏詞客掛叔青蚨半
家若下界盟期不遠可能先醉尋中花

其三

王奉常集卷之八

王奉常集

卷之八

二十一

史

公事也余請先畫之以爲公左券

王奉常集卷之九

吳郡王世懋敬美撰

詩部

七言律

題王文宅綠牡丹

君家百種木，芍藥晚得奇。
花標衆芳翠，袖自憐脩竹。
倚綠毛猶帶，舊宮妝葩含。
密葉疑無色，粉和輕烟別。
有香一自仙，姿降碧落教。
人無賴，說姚黃。

送張長洲擢比部爲曹甥用晦索贈

高第初聞報政期，除書人在爽鳩司。
花殘茂苑棠陰

王奉常集

卷之九

密轍卧金閨，烏影遲漢署。
白雲高借色，吳山明月去。
留思知君傳，獄多經義召。
對還能引舊師。公曹君所取士也

奉酬德甫用晦二兄見慰之作

江上秋風布帽窮，故人高誼帛書通。
生芻久自欽徐稚，死孝誰憑問阿戎。
合浦雙珠垂作淚，豐城兩劍吐爲虹。
相逢破涕知何日，未死餘心倘更雄。

孫少尹遷爲王官不赴詩送之歸

障海功多惜未酬，飄然興盡剡溪舟。
也知梁苑多詞客，無奈相如已倦遊。
三徑故餘喬木地，一樽長傍菊花秋。
賜書亡恙人堪老，回首風波作穩流。

送王少府汝平入爲客部 二首

五載專城德意長，詔從高第入明光。
賜金獨受循良計，鳴玉初含侍從香。
漢代名卿典屬國，王家故事尚書郎。
也知詞客須蘭省，慚愧先君黜鷺行。

其二

百錢持送使君行，共羨田郎入漢京。
半刺功名生廟貌，公行百姓擬生祀公東曹禮樂舊絃聲。
人憂合浦明珠徙，公去崑山片玉輕。
竹馬未還黃犢在，襜帷一望不勝情。

輓黃少府死倭難詩

憶昔東南幾陸沉，聞君死難涕沾襟。
城頭落日殘兵

王奉常集

卷之九

二

色海上寒濤烈士心，百戰膏原臣力盡。
千秋遺廟

國恩深已知青史，留生氣何必孤兒備羽林。

黃無子以姪嗣

贈太僕沈先生一律

尊鱸長占五湖春，杖屨能扶物外身。
海內論心多國士，中原屈指舊詞臣。
黃金疏傅娛賓盡，白髮休文作賦新。
聞道園林好風日，可教題壁有王筠。

送談太常思重入京

鶯花三月媚河梁，徒御乘春盡有光。
碣石北懸天影靜，晉陵西去驛關長。
清樽自愛齋郎暇，綵筆新成大樂章。
不是甘泉誇法從，那教公子忘思鄉。

飲惠山秦氏園

卜築誰令勝地專
錦屏清鏡落樽前
垣扉借綠時時
竹石沼分甘處處
泉欲雨花枝當客
醉半晴山色耐
人憐亦知丘壑元
吾分記取乘春更
酒船

肖甫中丞撫吳 命下志喜

憲府初聞 簡命新
吳山如黛望春行
青雲不意偏
詞客綠鬢于今有
重臣江左風流高
氣色鄴中朋舊
破沉淪算言猶抱
無竒恨早勒旂常
慰故人

肖甫中丞至吳先書期會喜而賦此

飛檄春自闔閭城
爲報中丞已抗旌
千騎東方使君
王奉常集 卷之九 三
色雙魚南國故人
情衣裳趨府從顛
倒兒女應門解
笑迎試掃柴荆浣
溪上元戎小队幾
廻行

贈盛二國醫

君家橘井已十世
好種風流垂後賢
掩關終歲如禪
室放棹經時似酒
船徵歌小妓偏愁
顧倒意新知不
問年却笑君卿負
游俠但將脣舌五
侯前

送學博李君司理南寧

春風絳帳坐諸賢
底事邕州有驟遷
公司教謹 青草
一載而遷
瘴生連粵嶠蒼梧
雲斷出蠻天談經
吾道南中盡折
獄能名徼外傳佐
郡知君無長物入
朝猶是廣文壇

答吳明卿

誰將絮酒到衡門，雞骨猶憐國士存。
一劔生前餘季子，雙魚難後見平原。
人非如玉難堪德，句有明珠擬報恩。
解道新詩能慰藉，何當讀罷轉銷魂。

楨伯博士奔喪還廣州賦此贈行

中原萬木響天吳，布帽扁舟旅思孤。
客有南州人比玉，家隣合浦淚成珠。
猿聲夢後悲相續，雞骨生前黯自扶。
聞道傳經多弟子，可能還誦蓼莪無。

寄穆吏部石給諫

一首

甘泉法從鬱如雲，何事公車失二君。
畏路除書還自王，奉常集卷之九
四
免清朝諫草未須焚，星間夜卧雙龍色。
冀北秋空萬馬群，我亦漁樵差不惡。
尚餘肝膽得相聞。

送沈嘉則遊中州

獨鶴翩翩去，令威清秋落木思。
兼飛何來越客新章甫，遂有中原大布衣。
鴈外關河歸騎晚，雪中蒿少遇人稀。
誰占紫氣長淮北，一夜江風冷釣磯。

送梁彥國廷尉謫官還嶺南

梁方巖獄江南

清朝詞客慣沉浮，謫籍何須問所由。
黍谷春風廷尉疏，楓江夜雨逐臣舟。
那因翫世還三黜，不爲歸田始四愁。
粵嶺似饒吳地勝，梁鴻已薄漢關遊。

贈程德甫廣文

湖海逢君有獨醒一官牢落罷談經廬如楊子玄從
白氈比王家老尚青已分生涯隨汗漫更愁佳句破
沉冥卽今莫問長安米是處崢嶸識歲星

贈程孟孺秀才博士子也

廣文先生工古詞遠遊爲復仗佳兒手題劍閣銘俱
美目涉靈光賦便竒天上五雲裁作字冢間三日臥
看碑閒來醉掃羅浮色可信而翁老畫師

梁思伯客部枉過山園分韻得舍字

使者乘輅下嶺南平原十日爲停驂樓臺遠色寒偏

王奉常集

卷之九

五

見林壑餘清暝自含舊曲朱絃重借聽與君舊爲詩社友故

人青眼易成酣君看塵埃能如此那有悠悠酒外談

銷夏灣

空傳海上出蓬壺何似靈峯枕具區水抱千家成別
匯天垂雙峽鎖平湖避喧秦俗人今古銷暑吳宮事
有無莫恨北窓遊較晚尚堪秋色醉菰蘆

登縹緲峯二首

震澤瀾天萬頃開況携秋色上崔嵬浮漚亂點青螺
出大嶺遙盤紫鷺迴浪疊長風迷去棹波衝晴日耀
銜杯坐來呼吸驚狂態眼底乾坤筆底才

捫蘿直上最高巔極目蒼茫大日懸地坼三吳浮不
盡秋空四野曠無邊樽前紫削芙蓉障屐底黃開橘
袖天身自五湖堪汎宅壯懷寧藉遠遊篇

資慶寺

籃輿歷歷度飛梁路入雲林古法堂錦樹半銜山徑
出金沙細吐石泉香孟蘭客至供秋色樵採人稀報
夕陽解道禪宮最深處不知猶在水中央

贈洞庭九十三蔡翁

黃綺曾聞此外臣歲星今復太湖濱一時耆舊名垂
王奉常集

卷之九

六

盡六代詩篇老更新蠟屐尚填扶杖近蟹書爲舉上
樽頻空廬且暮誰相向縹緲峯尊是丈人

宿長圻寺贈僧解空

明湖一徑莫釐秋古刹長林事事幽花着枇杷香供
入日銜來柘定光浮宰官自可稱檀越居士還能醉
比丘却羨去來無住念林田收罷不知愁

歸自東洞庭望莫釐峯

震澤風煙窮縹緲莫釐秋色鬪崢嶸空青一點似相

送掩映雙帆殊有情丹樹幾家丞相里

王文裕公舊家峯白

雲何處闔閭城茲遊不擬山靈負自耐胥濤氣未平

陸丈叔平邀過山庄看菊

徵君種菊似柴乘爲客重開九日觴白髮看時秋並
老青山見處意俱長燈華逼夜千株豔酒氣兼風五
名香支遁峯前甘谷水年年不惜醉籬傍

陸丈邀再遊天池諸山

戶外支硎衆壑連徵君老去杖藜便何年野客能重
過是處秋山盡可憐劇興叵羅常自勸頻遊不借任
他穿閒身倘許終相屬爲結蓮峯百度緣

子與自滇南入賀邂逅晉江喜而賦此

曾聞越客似莊吟魏闕重瞻未滯淫萬里風塵歸白

王奉常集

卷之九

七

髮千秋詞賦如黃金携詩欲盡窮荒色握手猶餘逐
客心自是中年易哀樂不須岐路問升沉

長至日助甫至自新蔡喜而賦此

江干霜色斷行人布帽頻驚節序新忽爾傾城來下
蔡不煩吹管自陽春書雲何物堪爲瑞望氣吾曹或
有真至日莫愁常作客銜杯早已失風塵

十五夜月同助甫君載家兄元美汎舟山池分

韻得天字

疊石飛梁畫舫前夾池修竹夜蒼然磯頭客卧綸邊
月水面雲開醉後天綵筆風流騎自命綈袍寒色對

相憐高歌直擬星河逼未許傷人爲扣舷

哭朱邦憲先生一律

憐君未得鬢毛斑鶴去華亭已不還海內交遊思任俠里中賓客罷居間才名早自垂金石酒態今誰起玉山最是桃椎仙路杳何年貌取醉時顏

贈汝南李生助甫客也

寬裳潦倒汝南生舉白呼盧四坐傾磊砢自澆千日酒恢諧不羨五侯鯖何來洛下隨張季共向江東學步兵杏酪摠誇中土勝可能鹽鼓下尊羹

送徐子言之楚徐故爲荊州守及憲副至是凡

王奉常集

卷之九

八

三往矣

三載浮名暫息機春花重見點征衣賤來魚目輕周客妬定蛾眉識楚妃江上雄風開府舊郢中白雪故人稀荊州車蓋迎相問曾是當年放犢歸

贈楚人孫兆孺世其孫也

諸生寂寂棄何年郢曲吳歎對爽然三世行藏文苑傳千秋姓字遠遊篇狂吞雲夢猶欺狹賦壓天台自擬傳磊砢故應王濟賞不知今去更誰憐

贈宗人進忠兼促其北上

高館明鐙許數過吾宗殊喜鳳毛多狂呼群從烏衣

酒醉逐雙童白紵歌落冕也知家食好婆娑無奈
聖朝何由來翫世還金馬遲爾秋風共玉珂

招隱亭別玉叔太守次甫山人分韻得行字

五馬翩翩壯客行況逢巖穴故人情紅亭可是淹留
地綠酒都無出處名桂樹已將高士老淮河難比使
君清風流此會誰堪繼紫氣猶應入夜明

炎暑阻舟奉柬仲起張丈

征徒三月滯河梁猶自炎蒸隔帝鄉稍喜季膺偕
入洛直因元伯舊升堂經時劍珮遠天上幾度樓船
坐夕陽畏路不堪頭并白怕教明主問爲郎

王奉常集

卷之九

九

鄭山人年八十有五曩與會於京邸別來且廿
載矣邂逅清泉視聽襟度宛若少壯銳有蒐
裘之志將以明春歸耕具區旁余嘉乃志率
爾投贈并申從史之意云

風流廿載挹清輝此日重看戰勝肥綵筆五朝遺
老在綈袍四海故人稀廣文氈冷身猶累通德門高
客不歸何似無官歸便得乘春還訪舊漁磯

初秋日同諸名勝集丘謙之戶部席分韻得高
字時余以服闋謁選初至

援琴今日爲君操可似當年共濁醪玉漏乍傳秋夕

永金門新着歲星高彈冠有客殊雞肋把袂何人不
鳳毛縱道舊遊零落甚楚狂猶自屬吾曹

丘及諸君
多楚上

需次都下得家兄楚中問并貺新詩率爾成二

章奉荅

粉署除書頗訝遲武昌魚素正相思里中白雪應稀
和臺上黃金轉自疑莫學楚人深怨別但逢燕市易
成悲故園花萼秋如許苦向人間寄一枝

其二

鷓鴣頻着不禁彈欵段蕭騷短鬢寒計失轉憐三徑
好時清翻覺一官難浮名祇自供牙頰末路憑誰借

王奉常集

卷之九

十一

羽翰若問歲星金馬色至今索米尚長安

中秋同丘汝謙李本寧徐惟得劉子大康裕卿

集城南樓

四首

暮靄初澄碧漢遙月華徐拂紫烟消風高露下侵衣
急夜久輝深逼坐驕吳楚東南偏氣色樓臺西北自
雲霄醉來身似凌姑射那得秋聲在麗譙

其二

團圓明月掛城頭可是佳期與勝遊客有金吾寬禁
夜官從散騎問悲秋銀虬響滴空青濕玉兔光凌太
白愁莫訝稚恭頻睇絕胡床人在武昌樓

家兄時
在楚臬

其三

高秋何處不登臨，况是南樓興可深。
雙闕掌懸天遠近，萬家鱗起地浮沉。
明珠自照驚華髮，片玉誰投識寸心。
醉裡不堪分馬色，淒其城角尚清砧。

其四

矯首天低碣石宮，醉呼詞客坐秋空。
誰將一曲扶衰柳，自送雙眸與斷鴻。
毛骨已清疑獨舉，羽翰爭就解齊翀。
還愁索米長安去，明日蕭騷髣底風。

慰魏生茂權

王門何必盡吹竽，莫是朱絃調煞孤。
君自魯恭憐幼

王奉常集

卷之九

十一

弟

乃弟

人言阮籍恨窮途，按圖偏解銷燕骨。
照乘虛傳得魏珠，載酒問奇差足慰。
困來吾亦羨侏儒。

謁省歸獨酌偶成

鷓鴣嘗自質錢沽牛馬，從它選吏呼有酒。
但須澆磊砢，無官不敢望侏儒。
行藏老去羞雞卜，俯仰悲來傍狗屠。
却笑邯鄲曾學步，盈盈猶作府中趨。

奉寄大中丞時良潘公一首

白簡寧論事有無，主恩偏得卧菰蘆。
避賢林底從

千日狎長人，間自五湖揔爲閒。
居堪賦拙，豈應清遠

更名愚何時一汎王猷棹，天目峯頭取醉呼。

同諸君携榼裕卿新居分韻得城字

酒社詞場數子情吳趨越曲異時名窮交自合親郎
舍大隱何妨在帝城句裡清霜分馬色柝中殘月
度雞聲由來意氣天涯得莫遣鄉心逐醉生

送陳守巽戶部守南安

兩朝曾握大農籌此日專城更上游郡雜甌閩千嶂
入地連章貢二江流名高仲舉時懸榻政簡元龍好
臥樓不見賜金明主意循良今去若爲酬

答彭先輩稚修

君家三畝蠡湖陽失意論交燕市傍自是游談空碣

王奉常集

卷之九

十二

石非關絲竹傷安昌愁中何物能相貴名下誰人不
似狂好去蒯緱珍重別豐城夜夜有精光

送顧從化之南雍

賦罷公車不可留婆娑猶作秣陵游三吳四姓先元
歎六館諸生重賈彪自愛山川供藻思莫緣容髮減
風流別離未是長江外贈婦無勞爲唱酬

孟秋十六日偕司馬汪公伯玉暨汪二仲淹家

兄元美游蓮花菴分韻得偏字

北郭叢林境窅然芙蓉秋色地逾偏清齋乍散盃蘭

後司馬公兄弟以
中元持齋甫畢

小集還依卓錫前休沐一逃居士

服初裝重結宰官緣司馬公舊游也莫言朝市能妨隱眼底

天池社是蓮

送談叅軍思重使上谷便道還家

居庸關外淨狼煙紫騎翩翩出塞年幕府材官閒甲
冑司農使者護金錢清笳曉發飛狐道大纛風生飲
馬川休沐聞君多暇日軍城好著早秋篇

送邢氏詩 并敘

不佞於子愿不數面也雅聞其清標好學襟懷日
上乃心慕之一樽燕市便爾有千秋相向意今當
遠別輒附先民贈言之義子愿子愿爲復賞此否

王奉常集 卷之九

三

射策多君雅負奇青春謝病使人思霜清岱色家看
近雪滿河梁馬去遲詞賦自憐終小道風流不盡有
新知紅顏莫遣尋常好擲作他年會面期

少司馬伯玉汪公五表惟茲臘月廿有七日爲

公初度之辰敬上四章爲壽

御氣初開嶽降期珥貂橫玉在清時諸家兵法門人
述一代宗工海外知 聖主只今能孝治老親如昔
是恩私大官牛酒新沾賜乞向高堂作壽卮

其二

黃金爲管玉爲樞匣底芙蓉字底珠一自陽春回故

郢頓令佳氣滿新都
三朝出入周司馬五泰行藏
衛大夫欲識向來酬
主意年年霜月照冰壺

其三

登壇授節早承恩典午還朝八座尊
帝謂卿才元武庫天容物望有龍門
文章價在餘黃石樞筦憂深減綠樽
膝席可堪方外客十年曾共醉平原

其四

學海淳泓得上乘詞壇卓犖許先登
曾將意氣酬肝膽實有勛名備股肱
家拜一官推愛弟秩增千石施山僧
如岡不淺邦人頌白嶽雲中第幾層

王奉常集

卷之九

十四

送周公瑕還吳 二首

君歸豈是戀吳儂老去金門恥自容
寶劍有心知李札青山無意謝周顒
功名何物勝三徑姓字由他問九重
高誼已堪金石在不緣棐几故留蹤

其二

爾向滄江問釣磯風塵猶是舊荷衣
浮雲西北無終日列宿東南有少微
國士幾堪名下盡故人應入夢中稀
別來燕市曾相泣好傍吳山對掩扉

在明光祿得王官不赴歸靖江賦二詩慰其行
輕舸春色潞河深回首金門悔陸沉
縱是步兵厨可

大官丞閔君考最以詩賀之尚書孫也

聞君上考注詮曹盡道尚書有鳳毛三載獨憐供奉
苦諸郎誰比行能高金錢歲減天厨費綸綍家留
帝語褒磊塊已澆光祿酒可容左手復持螯

余以南奉常出京師而劉進士子玄行且奉使
金陵期以冬月會白下先乞余詩贈行故事
所無也

身是金陵老奉祠別君還刻見君期過江不作王喬
恨謂劉王喬阿也名士久容平子知團扇幾題桃葉句郵筒

多寫竹枝詞相逢定有如泥態霜月啼烏上馬時

王奉常集

卷之十二

十六

聞仁夫中丞有海上之行且登蓬萊閣望三山
再賦一律以壯其遊

遙聞高閣俯蓬壺爲問三山定有無雲暖蜃樓朝結
市月寒鮫室夜沈珠驚湍檻外星河覆異域樽前島
嶼孤若遇安期須乞棗莫教秦帝石空驅

方公允治以南廷尉卽擢工部侍郎不佞時叨
奉常佐未任先簡一首

三遷猶在石頭城遙憶登臨倍有情少陵有登臨憶侍郎句僧

寺幾留青竹杖官厨長設紫尊羹文章水部清新句

姓字山公簡要平公先爲名選部莫道金陵無酒伴太常齋

華愁莫便埋蹤成獨往好將名姓寄風流

送吳公擇尹溧水

關門曾識棄繻生列宿高懸赤縣明家在菰蘆風土
近人如水玉政源清窺簾白鳥間公府行部青山出
帝城遙憶朝歌吳季重鄴都何日聽新聲

送范伯禎太史視篆留都

十載橫經虎觀名徊翔猶是鳳凰城尊鱸客思深南
國桃李春陰滿舊京虛席也知明主意解攜無奈
故人情白門仙史應多暇臥報花磚日影生

送史思善計部督餉江西

三奉常集

卷之九

十七

匡廬高插九江隈才子如雲六博來起草乍空郎署
色分章偏屬度支才樓船吳楚軍儲急稊稻東南使
節廻遙憶滕王高閣裏孝山詞賦已先裁

送子厚王省文副憲江右

王郎二十已專城三十祠官雅擅聲東署風淹題柱
客外臺新識棄繻生含霜廬嶽風俱峻負郭章江色
並清供奉自憐同舍老贈君唯有一寸心明

送程唐縣改同山陰敘事程先在餘姚

兩度談經也自尊蕭然垂橐去中原南陽父老思遺
澤越絕諸生識舊恩剡曲典來舟莫返蘭亭人去事

猶存知君不薄青氈意竹箭於今半在門

顧光祿旣竣遼陽使事請急歸省高堂而適有

充閭之慶爰命朋輩爲詩賦之

白狼河外紫驪駒明鏡刀頭夜指吳萬里征人歸跡
帖中庭小婦唱將雛從誇書繡裁斑服自喜冰壺映
掌珠熟醉正堪光祿酒莫因行樂忘還都

聞子與入 賀不果悵然有懷同楨伯作

玉帛千秋自 帝庭風烟萬里獨沉冥虛傳海上來

今雨未許天涯有聚星劍去延津何日返筑殘燕市

幾人聽相聞總是前期在那得仍餘兩鬢青

王奉常集 卷之九

十八

明卿自大梁入 賀攜其二子不佞與故人別

十有六年矣冒雨出訪寺中喜而賦詩二章

朝天使者自 皇都那似名高楚大夫供奉舊臣工

郢曲中原方岳解蒿呼携將雙玉誰先後採得三花

定有無少小別君成白首可能相見不爲娛

其二

故人天畔下星輶握手猶驚別夢遙漣滅音書常萬

里差池容鬢已 三朝深杯入眼時飛動劇語關心

轉寂寥紅蓼綠楊蕭寺雨預愁來日是河橋

王奉常集卷之九

